

四庫全書

史部

欽定四庫全書

禮部志稿卷二十七

明 俞汝楫 編

祠祭司職掌

廟祀

國初於闕左建四廟德祖廟居中懿祖東第一廟熙祖  
西第一廟仁祖東第二廟與主皆南向

洪武元年定以四時孟月及歲除凡五享 二年重定

時享春以清明夏以端午秋以中元冬以冬至惟歲除  
如舊 三年又定時享仍用四孟月孟春特享于各廟  
各具禮樂餘時俱奉三祖神主合享于德祖之廟德祖  
仍南向三祖以次東西向初獻各奏本廟樂亞獻終獻  
徹饌還宮同奏德廟樂 九年始改建太廟其制前為  
正殿後為寢殿俱翼以兩廡寢殿九間以一間為一室  
中一室奉安德祖帝后神主懿祖東第一室熙祖西第  
一室仁祖東第二室主皆南向几席牀榻衾褥揮旒篚

筭帷幔器皿之屬皆如事生之儀及時享于正殿則設  
德祖帝后神座居中南向懿祖神座左第一位西向熙  
祖神座右第一位東向仁祖神座左第二位西向凡座  
止設衣冠而不奉主又以親王配享于東壁功臣配享  
于西壁孟春擇上旬吉日孟夏孟秋孟冬俱用朔日歲  
暮用除日俱行合享之禮奏德廟樂罷特享禮及各廟  
樂 三十一年奉祔太祖神主于寢殿西第二室南向  
正殿神座右第二位東向 永樂中定都北京建廟一

如南京之制 洪熙元年奉祔太宗神主于寢殿東第三室南向正殿神座左第三位西向 宣德元年奉祔仁宗神主于寢殿西第三室南向正殿神座右第三位東向十年奉祔宣宗神主于寢殿東第四室南向正殿神座左第四位西向 天順八年奉祔英宗神主于寢殿西第四室南向正殿神座右第四位東向 成化二十三年憲宗將升祔而九室已備始奉祔懿祖熙祖而下皆以次奉遷迺奉祔憲宗神主于寢殿西第四室南

向正殿神座右第四位東向弘治初始即歲除日行祫祭禮十八年奉祧熙祖仁祖而下皆以次奉遷迺祔孝宗神主于寢殿西第四室南向正殿神座右第四位東向正德十六年奉祧仁祖太祖而下皆以次奉遷迺奉祔武宗神主于寢殿西第四室南向正殿神座右第四位東向嘉靖十年勅諭禮部以太祖高皇帝重闢宇宙肇運開基四時享祭壓于德祖不得正南面之位命祧德祖而奉太祖神主居寢殿中一室為不遷之

祖太宗而下皆以次奉遷每歲孟春特享夏秋冬合享  
改擇季冬中旬大禘而以歲除為節祭歸之奉先殿特  
享則奉太祖居中太宗而下以次居左右各設一幄南  
向奉主于神座設冠服及寫于座之左右祭畢藏之合  
享則奉太祖居中南向太宗而下以次東西向大禘則  
奉德祖于太廟居中南向懿祖而下皆以次東西向其  
親王功臣移配食于兩廡又以丙辛年孟夏行大禘禮  
于太廟奉皇初祖南向太祖西向配享十四年更建

世室及昭穆羣廟于太廟之左右其廟制正殿五間寢殿三間各有門垣以次而南統于都宮太廟專奉太祖居之世室在左三昭之上奉太宗居之題曰太宗廟仁祖昭第一廟曰仁廟宣宗穆第一廟曰宣廟英宗昭第二廟曰英廟憲宗穆第二廟曰憲廟孝宗昭第三廟曰孝廟武宗穆第三廟曰武廟以立春日行特享禮于各廟立夏立秋立冬日行時禘禮于太廟奉太祖南向太宗居東西向稍近上仁宗而下東西序列相向季冬大宗



祫則德祖居中懿祖熙祖仁祖太祖以次居于左右俱南向太宗而下如時祫之序 十七年改上太宗廟號曰成祖加上皇考獻皇帝廟號曰睿宗先是特建世廟以祀皇考後改建獻皇帝廟又改題曰睿宗廟特享則于本廟行禮時祫則奉主合享于太廟 二十四年重建太廟成奉睿宗升祔而罷睿宗廟祭寢殿神主則太祖居中成祖宣宗憲宗睿宗序于左仁宗英宗孝宗武宗序于右皆南向時享于正殿則太祖仍居中南向成

祖而下以序東西相向孟春仍于上旬擇日孟夏孟秋  
孟冬仍用朔日俱合享祫祭仍以歲除日凡儀節俱如  
舊大禘禮亦罷 二十八年奉孝烈皇后祔享太廟藏  
主獻皇后之側遇享居本次止設位像品而祝不及  
二十九年奉桃仁宗宣宗而下皆以次奉遷迺奉祔孝  
烈皇后神主于寢殿西第四室南向正殿神座右第四  
位東向祝仍不及 隆慶元年世宗升祔禮部議廟享  
惟一帝一后后必元配乃奉孝潔皇后祔享而遷孝烈

皇后神主于別殿 六年奉祧宣宗英宗而下皆以次  
奉遷迺奉祧穆宗神主于寢殿西第四室南向正殿神  
座右第四位東向

廟號

洪武元年上高祖考尊謚曰玄皇帝廟號德祖妣曰玄  
皇后 曾祖考尊謚曰恒皇帝廟號懿祖妣曰恒皇后  
祖考尊謚曰裕皇帝廟號熙祖妣曰裕皇后 考尊  
謚曰淳皇帝廟號仁祖妣陳氏曰淳皇后

永樂元年上高廟尊謚曰聖神文武欽明啓運俊德成  
功統天大孝高皇帝廟號太祖后馬氏曰孝慈昭憲至  
仁文德承天順聖高皇后

嘉靖十七年加上高廟尊謚曰太祖開天行道肇紀立  
極大聖至神仁文義武俊德成功高皇帝高皇后曰孝  
慈貞化哲順仁徽成天育聖至德高皇后

永樂二十二年上文廟尊謚曰體天弘道高明廣運聖  
武神功純仁至孝文皇帝廟號太宗后徐氏曰仁孝慈

懿誠明莊獻配天齊聖文皇后

嘉靖十七年加上文廟尊謚曰啓天弘道高明肇運聖  
武神功純仁至孝文皇帝廟號成祖

洪熙元年上仁廟尊謚曰敬天體道純誠至德弘文欽  
武章聖達孝昭皇帝廟號仁宗

正統七年上后張氏曰誠孝恭肅明德弘仁順天啓聖  
昭皇后

宣德十年上宣廟尊謚曰憲天崇道英明神聖欽文昭

武寬仁純孝章皇帝廟號宣宗

天順六年上后孫氏曰孝恭懿憲慈仁莊烈齊天配聖  
章皇后

天順八年上英廟尊謚曰法天立道仁明誠敬昭文憲  
武至德廣孝睿皇帝廟號英宗

成化四年上后錢氏曰孝莊憲穆弘惠顯仁恭天欽聖  
睿皇后

成化二十三年上憲廟尊謚曰繼天凝道誠明仁敬崇

文肅武宏德聖孝純皇帝廟號憲宗

正德十三年上后王氏曰孝貞莊懿恭靖仁慈欽天輔  
聖純皇后

弘治十八年上孝廟尊謚曰建天明道誠純中正聖文  
神武至仁大德敬皇帝廟號孝宗

嘉靖二十年上后張氏曰孝康靖肅莊慈哲懿翊天贊  
聖敬皇后

正德十六年上武廟尊謚曰承天達道英肅睿哲昭德

顯功宏文思孝毅皇帝廟號武宗

嘉靖十四年上后夏氏曰孝靜莊惠安肅溫誠順天偕聖毅皇后

嘉靖三年上獻皇帝尊諡曰恭穆獻皇帝七年加上曰恭睿淵仁寬穆純聖恭儉敬文獻皇帝十七年加上曰知天守道洪德淵仁寬穆純聖恭儉敬文獻皇帝廟號睿宗

嘉靖十八年上后蔣氏曰慈孝貞順仁敬誠一安天誕



聖獻皇后

隆慶元年上世廟尊謚曰欽天履道英毅聖神宣文廣武洪仁大孝肅皇帝廟號世宗后陳氏曰孝潔恭懿慈睿孝莊相天翊聖肅皇后

隆慶六年上穆廟尊謚曰契天隆道淵懿寬仁顯文光武純德弘孝莊皇帝廟號穆宗后李氏曰孝懿貞惠順哲恭仁儷天襄莊皇后

時享

洪武二十六年初定儀 一齋戒前一日太常司官宿  
於本司次日具本奏致齋三日次日進銅人 一省牲  
牛九羊八山羊十豕十九鹿一兔十三祿祭犢十九北  
羊十八豕三十五兔十五山羊鹿不加正祭前二日太  
常司官奏明日與光祿司官省牲至次日省牲畢同復  
命 一陳設皇高祖前犢一羊一豕一登二釶二籩豆  
各十二簠簋各二帛二白色奉先制帛皇曾祖陳設同  
皇祖陳設同皇考陳設同共設酒尊三金爵八瓷爵十

六簠四於殿東祝文案一於殿西後奉桃四祖太祖而  
下諸廟陳設並同嘉靖二十九年奉桃仁宗升祔孝烈  
皇后前止設金爵一瓷爵二通設酒尊九金爵十七  
瓷爵三十四簠九祫祭則尊加五金爵加十瓷爵加二  
十簠加五親王配享四壇共二十一位第一壇壽春  
王配妃劉氏犢一羊一豕一登二鉶二籩豆各十簋簋  
各二爵六帛二展親制帛第二壇霍丘王妃翟氏下蔡  
王安豐王妃趙氏南昌王犢一羊一豕一登六鉶六籩

豆各十簋蓋各二爵十八帛六展親制帛第三壇蒙城  
王妃田氏盱眙王妃唐氏臨淮王妃劉氏陳設與二壇  
同第四壇寶應王六安王來安王都梁王英山王山陽  
王昭信王犢一羊一豕一登七鉶七籩豆各十簋蓋各  
二爵二十一帛七展親制帛共設酒尊三篚四於殿東  
南北向 功臣配享十壇今十七壇中山武寧王徐達  
開平忠武王常遇春岐陽武靖王李文忠寧河武順王  
鄧愈東甌襄武王湯和黔寧昭靖王沐英號國忠烈公

俞通海蔡國忠毅公張德勝越國武莊公胡大海梁國  
武桓公趙德勝泗國武莊公耿再成永義侯桑世傑河  
間忠武王張玉以下四壇俱洪熙元年增東平武烈王  
朱能寧國忠莊公王真榮國恭靖公姚廣孝嘉靖九年  
遷於大隆興寺誠意伯劉基嘉靖十年增榮國威襄公  
郭英嘉靖十六年增每壇羊一豕一鉶一籩豆各二簋  
簋各一帛一報功制帛爵三篚一共設酒尊三於殿西  
南北向 一正祭典儀唱樂舞生就位執事官各司其

事導引官導引皇帝至御拜位內贊奏就位典儀唱迎

神奏樂樂止內贊奏四拜

百官同

典儀唱奠帛行初獻禮

奏樂執事官各捧帛金爵受酒獻於神御前讀祝官取

祝跪於神御右內贊奏跪典儀唱讀祝讀訖奉安於神

御前內贊奏俯伏興平身

百官同

樂止典儀唱行亞獻禮

執事官各以瓷爵受酒獻於神御前樂止典儀唱行終

獻禮

儀同亞獻

樂止太常寺卿進立殿東西向唱賜福胙光

祿寺官捧福酒胙自神御前中門左出至皇帝前內贊

奏跪播圭光祿寺官以福酒跪進內贊奏飲福酒光祿寺官以昨跪進內贊奏受昨出圭俯伏興平身內贊奏

四拜

百官同

典儀唱徹饌奏樂執事官徹饌樂止太常卿

詣神御前跪奏禮畢請還宮奏樂內贊奏四拜

百官同

樂

止典儀唱讀祝官捧祝進帛官捧帛各詣燎位奏樂內

贊奏禮畢

一祝文維洪武某年歲次某月某朔某日

孝玄孫皇帝

敢昭告于高曾祖考四廟太皇太后時

維孟

春夏秋冬

禮嚴祭祀謹以牲醴庶品用申追慕之情尚

享嘉靖間禰六廟皇祖考妣太皇帝后皇伯考孝宗  
敬皇帝皇伯妣孝康敬皇后皇考睿宗獻皇帝皇妣慈  
孝皇后皇兄武宗毅皇帝孝敬毅皇后萬厯七年以  
槩稱幾廟祖妣未明更定祝文通列九廟帝后聖號

一樂章迎神中和之曲慶源發祥世德惟宗致我眇

躬今云維開基建功京都之內親廟在東維我子孫永

我祖宗

懷祖宗氣體則同呼吸相通來格來崇皇靈顯融初

獻壽和之曲武功之舞思皇先祖耀靈于天源衍慶流



繇高逮玄玄孫受命追遠其先明禋世宗億萬斯年

亞獻豫和之曲文德之舞對越至親儼然如生其氣昭  
明感格在庭如見其形如聞其聲愛而敬之發乎中情

終獻熙和之曲文德之舞承前人之德化家為國母

曰予小子基命成績

今云惟前人之功肇膺天  
歷延及予小子爰受方國

欲報其

德昊天罔極慇懃三獻我心悅懌 徹饌雍和之曲樂

奏儀肅神其燕娛告成于祖亦祐皇妣敬徹不遲以終

祀禮祥光煥揚錫以嘉祉 還宮安和之曲顯兮幽兮

神運無跡鸞馭逍遙安其所適其靈在天其主在室子  
子孫孫孝思無斁

嘉靖十年定孟春特享儀

後罷

一前期二日太常寺卿同

光祿寺卿面奏省牲如常儀次日復命太常寺陳設如  
圖儀 一正祭日上乘輿由廟街門入至靈星門西降

輿導引官導上由靈星左門入上至戟門東帷幕具祭

服出導引官導上由戟門左門入至寢殿同捧主官

帝主

以大臣恭捧后主以內臣恭捧

出主陞太廟至太祖室安主次至太宗

以下昭廟安主次至仁宗以下穆廟安主訖典儀唱樂舞生就位執事官各司其事導引官導上至御拜位內贊奏就位典儀唱迎神樂作樂止內贊奏四拜平身傳贊

百官同

典儀唱奠帛行初獻禮樂作內贊導上至太祖前

奏跪奏搢圭奏上香司香官捧香跪于上左上三上香訖執事者捧帛跪於上右跪獻帛上獻帛執事者捧爵跪于上右奏獻爵上獻太祖前奏爵出圭上出圭致恭訖奏搢圭捧爵者跪于上左奏獻爵上獻高后前爵奏

出圭奏詣讀祝位上至中宣讀祝位樂暫止奏跪

傳贊衆官

皆跪

內贊贊讀祝讀祝官跪讀訖樂復作奏俯伏興平身

傳贊百

官同 內贊導上至太宗以下昭廟前奏跪奏搯圭奏

上香奏獻帛獻爵

儀同

奏出圭內贊導上至仁宗以下穆

廟前奏跪奏搯圭奏上香奏獻帛獻爵

儀同

奏出圭奏詣

讀祝位內贊導上至太宗前讀祝位奏跪

傳贊衆官皆跪

樂暫

止內贊贊讀祝七廟讀祝官跪齊讀訖樂復作奏俯伏

興平身

傳贊百官同

奏復位內贊導上復位樂止典儀唱行

亞獻禮樂作內贊導上至太祖前奏搢圭奏獻爵上獻

太祖高后前爵訖奏出圭奏復位太宗仁宗以下捧圭

官獻爵訖樂止典儀唱行終獻禮樂作

儀同亞獻

樂止太常

卿於殿左西向立唱賜福胙內贊奏跪奏搢圭光祿卿

捧酒跪於上右奏飲福酒上飲訖光祿官捧胙跪於上

右奏受胙上受訖奏出圭俯伏興平身奏四拜

傳贊百官同

典儀唱徹饌樂作樂止太常卿至中室向上跪奏禮畢

請還宮樂作內贊奏四拜

傳贊百官同

樂止典儀唱讀祝官

捧祝進帛官捧帛各詣燎位上轉立拜位之東樂作捧

祝帛官出殿門內贊奏禮畢上納穆廟主次納昭廟主

至太祖高后前納主訖率捧主官各捧至寢殿安訖易

服還宮 一祝文維嘉靖某年歲次某月朔某日孝孫

孫嗣皇帝某敢昭告于皇祖太祖高皇帝孝慈高皇后

日時維孟春禮嚴特祀謹以牲帛庶品用申追慕伏惟

鑒歆尚享

各廟文同但隨廟異稱

一樂章與時享同

嘉靖十年定時祫儀

後罷

一前期一日太常寺陳設如圖

儀 一正祭日儀同前惟祝文總一讀各廟以下上香  
獻帛獻爵俱捧主官代行 一祝文維嘉靖某年歲次

某月某朔日孝玄孫嗣皇帝某敢昭告于六廟皇祖考

妣太皇太后皇伯考孝宗敬皇帝皇伯妣孝康敬皇后

皇兄武宗毅皇帝曰

節序沅邁時維孟秋氣序若沅  
時當孟夏氣序云邁時維孟冬

謹

以牲醴庶品用薦時禋之禮以申追慕之情伏惟尚享

一樂章與時享同

嘉靖十五年定九廟特享儀

後罷

一前期太常寺奏請欽

定捧主官及齋戒省牲俱如常儀 一前期一日太常  
寺官詣各廟陳設如儀 一正祭日儀同前惟祝文總  
一讀各廟俱捧主官行禮 一祝文與前孟春時享同  
一樂章 太廟迎神太和之曲於皇於皇兮仰我聖  
祖乃武乃文首出庶物為天下大君比隆於古越彼放  
勳肇造王業佑啓子子孫功德超邁太室攸尊首稱春  
祀誠敬用申維神格思萬世如存初獻壽和之曲薦帛  
于篚潔牲於俎嘉我黍稷酌我清醑愚孫悲祀奠獻初



舉翼翼精誠對越我皇祖居然顧歆永錫純祐亞獻豫  
和之曲籥舞既薦八音洋洋工歌嚶嚶醇醴載羞齊明  
其將之永祐于子孫歲事其承之俾嗣續克承百世其  
保之終獻寧和之曲三爵既崇禮秩有終盈溢乎顯顯  
相肅雍維皇祖格哉以繹以融申錫無窮暨于臣民萬  
福攸同徹饌豫和之曲禮畢樂成神悅人宜籩豆靜嘉  
敬徹不遲穆穆有容秩秩其儀益祇以嚴矧敢數于斯  
還宮安和之曲於皇我祖陟降在天清廟翼翼禋祀首

虔明神既留寢祐靜淵介福綏祿錫膺綿綿以惠我家  
邦於斯萬年 太宗廟迎神太和之曲於維文皇重光  
是宣克戡內難轉坤旋乾外讐百蠻威行八埏詒典則  
予子孫不忘不愆聖德神功格于皇天作廟奕奕百世  
不遷祀事孔明億萬斯年初獻亞獻終獻徹饌還宮俱  
與太廟同 仁廟迎神太和之曲明明我祖聖德天成  
至治訐謨適駁有聲專奠致享維古經是程春祀有嚴  
以迓聖靈維陟降在庭以賚我思成初獻壽和之曲幣

牲在陳金石在懸清酒方獻百執事有虔明神洋洋降  
歆自天俾我孝孫德音孔宣亞獻豫和之曲中誠方殷  
明神如存醴齊孔醇再舉壘尊福祿穰穰攸介攸臻追  
遠報酬罔極之恩終獻寧和之曲樂比聲歌侑舞婆娑  
稱彼玉爵酒旨且多獻享維終神聽以和孝孫在位受  
福不那徹饌雍和之曲牲牲在俎稷黍在簋孝享多儀  
格我皇祖稱歌進徹髦士膺膺孝孫受福以敷錫於下  
土還宮安和之曲惟享孔明物備禮成於昭在天以莫

幽顯莫測神之無方祀事既成神返諸帝鄉申發休祥  
俾濟嗣蕃昌宜君兮宜王歷世無疆 武廟迎神太和  
之曲列祖垂統景運重熙於惟武皇昭德勅威用剪除  
姦兇大業弗隳專廟以享經禮攸宜俎豆式陳庶幾來  
思初獻亞獻終獻徹饌還宮俱與孝廟同

嘉靖十五年定九廟時祫儀與前時祫儀祝俱同 樂  
章 孟夏迎神太和之曲序屆夏首兮風氣薰禮嚴時  
祫兮夏擊鐘鼗迎羣主來合享交欣於皇列聖正南面

不聽明神即安維華寢是憑肇祀迄今百世祇承宣  
廟英廟憲廟俱與仁廟同孝廟迎神太和之曲列祖  
垂統景運重熙於惟孝皇敬德允持用光于大烈化被  
烝黎專廟以享經禮攸宜俎豆式陳庶幾來思初獻壽  
和之曲采盛孔蠲膺肥牲牷孝鼓蕭蕭萬舞躑躑清醑  
初酌對越在天明神居歆式昭厥虔亞獻豫和之曲祀  
事孔勤精意未分樂感鳳儀禮虔駿奔醞齊挹清載奠  
瑤尊神其格思福祿來臻終獻寧和之曲樂舞既成獻

享維終明明對越彌篤其恭篤恭維何明德是崇神之  
聽之萬福來同徹饌雍和之曲牲牢醴陳我享我將恭  
稷蘋藻潔白馨香徹以告成降禧穰穰神錫無疆祐我  
萬方還宮安和之曲禮享既洽神御聿興廟寢煌煌以  
憑以寧維神匪遐上下在庭於寢孔安永底我烝民之生  
睿廟迎神太和之曲於穆神皇秉德凝道仁厚積累  
配于穹昊流慶顯休萃于眇躬施于無窮以似似續以  
光紹我皇宗維茲氣始俎豆是共循厥典禮式敬式崇

神其至止以鑒愚衷初獻壽和之曲制帛牲牢庶饁芬  
膋玉戚朱干協于韶簫清嘒在筵中情纏綿神之格思  
儀形優然亞獻豫和之曲瑤爵再陳侑以工歌籥舞跄  
踰八音諧和孝思肫肫感格聖靈致慤則存如聞其聲  
終獻寧和之曲儀式弗踰奠爵維三樂舞雍容以雅以  
南仰仁源德澤嶽崇海淵願啓我子孫緝熙光明維兩  
儀是恭徹饌雍和之曲嘉饌甘只亦既歆只登歌迅徹  
敬終惟始維神孔昭賚永成于孝矣還宮安和之曲幽

以申崇報皇勲初獻壽和之曲瞻曙色方昕仰列聖在  
上奠金觥而捧幣紋小孫執盈兮敢不懼慙亞獻豫和  
之曲思皇祖仰聖神來列主會太宸時裕脩循古倫惟  
聖鑒歆愚孫忱恂終獻寧和之曲齊醴清兮麥熟新籩  
豆潔兮孝念申仰祖功兮宗德願降祐兮後人徹饌雍  
和之曲樂終兮禮成告玉振兮訖金聲徹之弗違以肅  
精誠還宮安和之曲三獻就兮祖宗鑒享一誠露兮念  
惟長思弗盡兮思弗忘深荷德澤之啟佑小孫惟賴以



餘光神返宮永安保家國益昌 孟秋迎神太和之曲

時兮孟秋火西流感時豋祀兮爽氣回喜金風兮飄來  
仰祖宗兮永慕哉秋禘是舉兮希鑒歆小孫恭迓兮捧  
素裁初獻壽和之曲皇祖降筵列聖靈聯執事恐踰樂  
舞蹁躑小孫捧盈兮敢馨香亞獻豫和之曲再酌兮玉  
漿潔淨兮馨香祖宗垂享兮錫眉昌萬歲兮此禮行終  
獻寧和之曲進酒三觥歌舞雍謦鐘鼓車轉錦皇祖列聖  
永享愚誠徹饌雍和之曲秋嘗是舉稌黍豐農三獻既

周聖靈顯容小孫時思恩德兮惟懔懔還宮安和之曲  
仰皇祖兮聖神功祀典陳兮報莫窮嘗禘告峻鸞馭旋  
宮皇靈在天主在室萬禩陟降何有終 孟冬迎神太  
和之曲時兮孟冬凜以淒感時必祀兮氣潛回遡朔風  
兮北來仰祖宗兮永慕哉冬禘是舉兮希鑒歆小孫恭  
迓兮捧素裁初獻亞獻終獻同立秋徹饌雍和之曲冬  
烝是舉俎豆維豐三獻既周聖靈顯容小孫時思恩德  
兮惟懔懔還宮同立秋但改嘗禘為烝禘

禘祭

國初以歲除日祭太廟與四時之祭合為五享其陳設樂章並與時享同累朝因之弘治初既祧懿祖始以其日奉祧主至太廟行禘祭禮先期遣官祭告太廟又遣官祭告懿祖于祧廟告俱用祝文酒菓告畢太常寺設懿祖神座于正殿西向至日祭如儀嘉靖十年祧德祖罷歲除祭而以季冬中旬行大禘禮太常寺設德祖神座于太廟正中南向懿祖而下以次

東西向十五年奉懿祖熙祖仁祖太祖神座皆南立  
成祖而下東西向陳設樂章祝文皆更定而先期遣  
官祭告如前二十四年罷季冬中旬大禘并罷祭告  
每遇歲除禘祭位次如十五年之制祝則自德祖而  
下備列帝后諡號而祝文及陳設樂章並如舊二十  
八年復祭告儀今備著焉

國朝歲除祭太廟祝文維洪武某年某月某日孝玄孫  
皇帝 敢昭告于高曾祖考四廟太皇太后時當歲暮

明旦新正謹率羣臣以牲醴庶品恭詣太廟用申追慕之情尚享

弘治初祫祭祝文太廟祭告維某年某月某日孝玄孫嗣皇帝某謹遣某官敢昭告于 八廟太皇太后皇考

憲宗純皇帝茲者歲暮特脩祫祭之禮恭迎懿祖皇帝同臨享祀伏惟鑒知謹祭 懿祖祭告茲者歲暮恭于太廟舉行祫祭之禮祇請聖靈詣廟享祀特申預告伏惟鑒知謹告 太廟祫祭時當歲暮明旦新正謹率羣

臣以牲醴庶品恭詣太廟特修禋祭之禮用申追慕之情尚享

嘉靖十五年定大禋儀

後罷

前期一日太常寺陳設如圖

儀 正祭日上至廟戟門東帷幕具祭服出自戟門左門入率捧主官至祧廟及寢殿出主捧主官請各廟主至太廟門外候五祖主至闕殿門入上安德祖主捧主官各安懿祖以下主訖典儀唱樂舞生就位執事官各司其事上至御拜位如常儀懿祖而下上香獻帛獻爵

俱捧主官代 一祝文維嘉靖某年某月某日孝玄孫  
嗣皇帝某敢昭告于德祖玄皇帝玄皇后懿祖恒皇帝  
恒皇后熙祖裕皇帝裕皇后仁祖溥皇帝溥皇后太祖  
高皇帝孝慈高皇后成祖文皇帝仁孝文皇后仁宗昭  
皇帝誠孝昭皇后皇高祖考宣宗章皇帝皇高祖妣孝  
恭章皇后皇曾祖考英宗睿皇帝皇曾祖妣孝莊睿皇  
后皇祖考憲宗純皇帝皇祖妣孝貞純皇后皇伯考孝  
宗敬皇帝皇伯妣孝康敬皇后皇考睿宗獻皇帝皇妣

慈孝獻皇后皇兄武宗毅皇帝皇嫂孝靜毅皇后曰氣  
序云邁歲事將終謹率羣臣以牲帛醴齊粢盛庶品特  
修大袷禮于太廟用申追感之情伏惟尚享 一樂章  
迎神太和之曲仰慶源兮大發祥惟世德兮深長時維  
歲殘大袷洪張祖宗聖神明明皇皇遙瞻兮頓首世德  
兮何以忘初獻壽和之曲神之格兮慰我思慰我思兮  
捧玉卮捧來前兮慄慄仰歆納兮是幸已而亞獻豫和  
之曲再舉瑤漿樂舞羣張小孫在位陪助賢良百工羅



從大禮肅將惟我祖宗顯揚恩光終獻寧和之曲思祖  
功兮深長景宗德兮馨香報歲事之既成兮典則先王  
惟功德之莫報兮何以量徹饌雍和之曲三酌既終一  
誠感通仰聖靈兮居歆萬禋是舉兮庶乎酬報之衷還  
宮安和之曲顯兮幽兮神運無迹神運無迹兮化無方  
靈返天兮主返室願神功聖德兮啓佑無終玄孫拜送  
兮以謝以祈

奉桃

成化二十三年奉桃懿祖先期遣官祭告太廟上親告  
憲宗几筵內侍官設酒饌如常儀告畢太常寺官同內  
執事官于太廟寢殿奉遷懿祖神主衣冠安于德祖室  
內之左原奉享牀幔儀物及正殿神座俱暫貯于神庫  
弘治元年建桃廟于寢殿後其制九間間各為室翼以  
兩廡乃奉安神主衣冠于廟正中南向 十八年奉桃  
熙祖居左第一室 正德十六年奉桃仁祖居右第一  
室祭告儀並同

嘉靖十年奉祧德祖而奉太祖高皇帝為不遷之祖上親告于德祖及祧廟三室遂親捧德祖主安于廟中遷懿祖居左第一室熙祖居右第一室仁祖居左第二室皆南向乃詣太廟寢捧太祖主出太廟殿中行祭告禮二十九年升祔孝烈皇后奉祧仁宗居右第二室先期遣官祭告太廟祧廟至期行奉祧禮于太廟如時享儀祭畢奉主安于祧廟室仍行祭告禮太廟原設神座收貯神庫俟祫祭日陳設

隆慶六年奉祀宣宗皇帝神主儀前期太常寺奏致齋三日遣官祭告宗廟至日行祭告禮用祝文每廟各一牘是日上以祧廟告穆宗皇帝几筵內侍官陳設酒饌如常儀上具素服內導引官導上詣拜位贊四拜禮奠帛獻酒讚祝四拜焚幣帛祝文禮畢是日祭畢太常寺官同內執事官捧遷宣宗皇帝神主衣冠并奉享牀幔儀物于後殿英宗以下各廟神主衣冠牀幔儀物以次遞遷其奉先殿宣宗皇帝神位亦奉遷于德祖煖閣內

左衣冠牀幔儀物隨宜收貯焚化英宗以下神位以次  
遊遷

升祔

永樂二十二年太宗文皇帝祔廟儀卒哭之明日太常  
寺陳設醴饌于太廟如常享儀樂設而不作設儀衛繖  
扇于午門外內侍官設皇帝拜位于几筵殿上進御輦  
于殿前丹陛上內導引官導皇帝哀服詣拜位贊四拜  
舉哀興哀止立于拜位之東西向內侍詣靈座前跪奏

請太宗文皇帝神主降座陞輦詣太廟祔享奏訖內侍捧神主安奉于御輦繖扇侍衛如儀至思善門外皇帝易祭服陞輅後隨至太廟南門之外降輅導引官導皇帝詣玉輦前贊跪皇帝跪太常卿跪于左奏請太宗文皇帝神主降輦詣太廟祔享奏訖贊俯伏興皇帝俯伏興導引官導皇帝捧神主由左門入典儀唱樂舞生就位執事官各司其事至丹陛典儀唱太宗文皇帝謁廟內贊奏請詣神位前每至一廟前內侍捧神主至褥位

朝北皇帝于神主後行八拜禮各廟俱八拜禮畢太常卿立壇東西向唱賜座皇帝搢圭內侍捧神主進于皇帝皇帝捧神主安于座導引官導皇帝詣拜位行祭禮如特享儀文官五品以上武官四品以上隨班行禮禮畢仍奉神主還几筵儀具大喪禮下至大祥前一日遣官祭告太廟至日上祭告几筵殿奉安神主神座儀物于太廟成化二十三年憲宗純皇帝祔廟儀卒哭之明日奉神主祔太廟前期三日齋戒前一日遣官以祔享祭告太

廟至日太常寺官設牲醴于太廟如時享之儀樂設而不作設憲宗純皇帝御座于宣廟御座之次錦衣衛設儀衛于午門外是日早內執事官設酒饌于几筵設憲宗純皇帝衣冠于几筵前進神主輦于殿前設衣冠輿于丹陛上設上拜位于几筵殿上正中設親王拜位于殿前丹陛上上哀服內導引官導引詣拜位親王各哀服詣拜位奏四拜舉哀哀止各王于拜位之東西向內侍官詣靈座前奏請憲宗純皇帝神主降座陞輦詣太



廟祔享上捧神主由殿中門出奉安于輦內執事官捧衣冠置于輿後隨內侍擎繖扇如儀至思善門外親王退上于右順門具祭服陞輅後隨至太廟南門外儀衛俱分列左右上降輅太常寺官導上詣輦前跪太常寺官奏請憲宗純皇帝神主降輦詣太廟祔享上俯伏興搢圭詣輦捧神主由左門入內侍官捧衣冠隨入贊禮樂舞生就位執事官各司其事贊迎神神主至丹陛上贊禮贊憲宗純皇帝謁廟內侍官捧衣冠立憲宗純皇

帝御座之下引贊贊詣神位前至一廟上捧神主置褥位立神主後出圭行四拜禮以次詣八廟禮俱同謁廟畢上搢圭捧神主北向立太常寺官唱賜座內侍官捧衣冠安于座內上捧神主安于衣冠前出圭立于傍導引官導上詣拜位行祭禮如時享之儀文官五品以上武官四品以上各祭服隨班行禮禮畢奉神主還几筵至大祥後二日奉神主安于太廟前期三日齋戒前一日遣官詣太廟行祭告禮用祝文至日侵晨設酒果于

几筵殿設神主輦一冊寶亭二于殿前丹陛上上服淺  
淡服行祭告禮畢司禮監官詣几筵殿前跪奏請神主  
陞輦詣太廟奉安奏訖內侍捧神主冊寶俱由殿中門  
出安奉于輦及冊寶亭內侍擎執繖扇侍衛如儀上隨  
行至右順門上易祭服陞輅後隨至午門外儀衛繖扇  
導至廟街門內外列于太廟南門外之左右上降輅司  
禮監官導上詣神主輦前贊跪上跪司禮監官跪于上  
左奏請神主奉安太廟奏訖贊俯伏興上俯伏興導引

官前導內侍捧神主冊寶前行上隨後繇中門入至寢殿奉安訖上叩頭興導引官導上由殿東門出至丹陛祭祀如時祭儀用祝文文武官具祭服隨班行禮

嘉靖十七年睿宗獻皇帝祔廟儀先期一日太常寺設牲醴于太廟如時祫禮祭日司設監官設睿宗獻皇帝神座衣冠於孝宗敬皇帝位之次至日恭上册寶于睿廟畢遣官捧睿宗主降座陞輿徐行上先入詣太廟寢捧太祖主遣官捧各廟主各奉安于太廟睿宗主輿至

丹陛下太常卿跪奏請降輿遣官捧主至丹陛初登典儀唱樂舞生就位執事官各司其事至丹陛上門外唱

迎神樂作

此樂歌二遍

唱睿宗獻皇帝謁廟上捧主入就拜

褥上內贊奏跪太常卿跪奏孝玄孫嗣皇帝某躬奉皇考睿宗知天守道洪德淵仁寬穆純聖恭儉敬文獻皇帝叅拜內贊奏興拜五拜三叩頭禮畢捧主朝上立太常卿進立于東北西向唱賜座安主于座訖內贊奏四

拜

傳贊陪祝官同

典儀唱奠帛行初獻禮樂作導引官導上至

太祖神主前奏搢圭奏獻帛獻訖奏獻爵獻訖奏出圭  
奏復位各廟捧圭官捧帛爵詣各廟獻訖奏詣讀祝位  
內贊奏跪奏讀祝官讀訖奏俯伏興平身傳贊同奏

復位樂止典儀唱行亞獻禮樂作

儀同初獻惟不獻帛讀祝

樂止典

儀唱行終獻禮樂作

儀同亞獻

樂止太常寺卿進立西向唱

賜福胙內贊奏跪奏搢圭光祿寺官以福酒跪進內贊

奏飲福酒上飲訖光祿寺官以福胙跪進內贊奏受胙

上受訖奏出圭俯伏興平身奏四拜

傳贊百官同

典儀唱徹

饌樂作執事官徹饌訖樂止太常寺卿詣神主前跪奏

禮畢請還宮樂作內贊奏四拜

傳贊同

樂止典儀唱讀祝

官捧祝進帛官捧帛各詣燎位樂復作內贊奏禮畢樂止上捧太祖主遣官捧各廟主捧睿宗主各詣寢殿奉安上易服還宮大樂鼓吹振作祝文維嘉靖某年某

月某日孝玄孫嗣皇帝某敢昭告于太祖高皇帝孝慈高皇后成祖文皇帝仁孝文皇后仁宗昭皇帝誠孝昭皇后高祖考宣宗章皇帝高祖妣孝恭章皇后皇

曾祖考英宗睿皇帝皇曾祖妣孝莊睿皇后皇祖考憲  
宗純皇帝皇祖妣孝貞純皇后皇伯考孝宗敬皇帝皇  
伯妣孝康敬皇后皇兄武宗毅皇帝皇嫂孝靜毅皇后  
日茲者恭上皇考廟號尊諡禮成爰奉神主謁祖祔祭  
迎延列聖同賜鑒歆謹此躬祭之誠以申合享之禮尚  
享樂章迎神太和之曲太室巍巍九廟肇祀皇聖  
居歆惟昭考假只昭假維何欣天倫攸叙宗祏有嚴開  
萬禩伊始初獻壽和之曲酌彼鬱鬯玉瓚是將敬哉捧



盈有飴其香儼皇祖在上八聖在旁合享交欣天容洋洋亞獻豫和之曲樂奏既和禮嚴再獻黃流再觴玉露斯湛烝俾祖考式衍以宴神其醉止用嘉我明薦終獻寧和之曲玉齊維醕萬舞盈庭尊祖享親樂奏禮行式序式和祀事孔明於赫聖靈兮賚我思成徹饌雍和之曲籩豆有踐兮敬徹不遑禮儀卒度兮既勅既匡神之聽之兮昭格洋洋保我子孫兮惠賜無疆送神安和之曲靈輿肅肅兮靈駕歸閼宮恤兮瞻依我其夙夜兮敬

無敢違願言願歆兮俎豆光輝

東安門入各就拜位東西近兩廡稍北障以帷幕駕至  
太廟南門各廟遣官捧列聖帝后主以次奉安上降輅  
詣輿前跪太常寺官奏請慈孝獻皇后神主降輿上晉  
主捧神主出輿由中門入內侍官捧衣冠隨入至廟丹  
陛上典儀唱樂舞生就位執事官各司其事唱迎神樂  
作典儀奏慈孝獻皇后謁廟上捧神主入內侍官捧衣  
冠隨入內贊奏就位上捧神主就位安于拜褥上太常

寺卿奏孝玄孫嗣皇帝其躬奉皇妣慈孝獻皇后祔廟  
叅拜內贊奏五拜三叩頭禮上捧主朝上立太常寺卿  
唱賜座上捧主安于睿宗廟神座出主復位導引官導

上至香案前上香如儀復位奏四拜

傳贊陪祀官同

典儀唱奠

帛行初獻禮上至太祖神位前獻帛獻爵訖復詣高皇

后神位前獻爵復位各廟俱捧主官捧帛爵獻訖內贊

奏讀祝讀訖俯伏興復位行亞獻禮女官奏中宮獻太

廟爵皇妃八氏獻八廟爵

儀同初獻

上復行終獻如初獻禮

畢飲福受胙以至徹饌送神樂作樂止俱如儀禮畢上  
捧太祖主各捧主官捧各廟主奉安于寢殿捧睿宗主  
官同內侍官捧慈孝獻皇后主奉安于睿宗廟禮畢上  
還宮 祝文維嘉靖某年某月某日孝玄孫嗣皇帝某  
敢昭告于祖宗列聖帝后曰茲奉皇妣慈孝貞順仁敬  
誠一安天誕聖獻皇后神主升祔廟享恭申祇謁謹以  
牲牢醴齊粢盛庶品致祭伏惟尚享 樂章迎神太和  
之曲肅肅清廟駿奔在焉奉我母慈升祔告虔百禮有

任八音在宣惟列聖降靈臨享一筵初獻壽和之曲清  
酤載酌籩帛既陳肴核惟旅有飮其芬玉瓚初舉翼翼  
欽欽以衍我祖考庶幾格歆亞獻豫和之曲苾彼黃流  
酌言至再以蒸以享必敬必戒惟九聖在天景福是介  
伊嘏考妣俾式昌以大終獻寧和之曲爵獻既終鏞鼓  
有奕濟濟蹌蹌率我百辟於皇聖神既歆既懌惠我無  
疆保子孫千億徹饌雍和之曲享禮既備豆徹敢遲終  
事有嚴敬而將之肇祀孔明式永我孝思送神安和之

曲瞻雲駕兮翩翩神洋洋兮在天清廟兮肅肅奉蒸嘗  
兮於萬斯年

隆慶元年孝潔肅皇后祔廟儀先期內府該衙門恭製  
太廟及廟寢內孝潔肅皇后合用神座儀物等項先一  
日遣官以升祔世宗肅皇后告于太廟即以孝潔肅皇  
祔享同告是日執事官設酒饌于奉先殿西夾室內侍  
官設神主輿衣冠輿于奉先殿左門外至期遣官以祔  
享告于西夾室行禮如常儀告畢內侍官跪奏請孝潔

肅皇后詣太廟祔享奏訖恭捧神主及內侍官捧衣冠俱由左門出奉安于輿執事者擎執繖扇如儀至午門內候世宗肅皇帝神主至以次迎至太廟南門外太常寺官跪奏請孝潔肅皇后神主降輿詣太廟祔享內侍官恭捧隨世宗肅皇帝神主由左門入又內侍官捧衣冠隨入立于世宗肅皇帝衣冠之次捧世宗肅皇帝神主置于褥位之左內侍官捧孝潔肅皇后神主隨置于褥位之右內侍官退其謁廟賜座等禮儀俱與世宗肅

皇帝同行祭畢世宗肅皇帝神主還几筵內侍官捧孝潔肅皇后神主奉安于廟寢其衣冠同世宗肅皇帝衣冠奉安于太廟俱第九室

大禘

今罷

嘉靖十年定前期上告廟如常儀太常寺奏致齋三日備香帛牲醴如時享儀錦衣衛設儀衛侍從太常寺卿奏請皇初祖神牌太祖神位于太廟正殿安設是日早上具翼善冠黃袍御奉天門太常卿跪奏請聖駕詣太



廟上至太廟門外降轎導引官導上入御幄具祭服出

由殿左門入典儀唱樂舞生就位執事官各司其事內

贊奏就位典儀唱迎神樂作內贊奏四拜傳贊百官同奏上

香導上至皇初祖太祖前俱三上香訖奏復位樂止典

儀唱奠帛行初獻禮樂作內贊導上至皇初祖前儀同典

獻爵復導至太祖前儀同典儀唱讀祝奏跪傳贊百官皆跪樂暫

止內贊贊讀祝讀訖樂作內贊奏俯伏興平身傳贊百官同

樂止典儀唱行亞獻禮樂作樂止復唱行終獻禮樂作

樂止太常卿進立于皇初祖前西向唱賜福胙上飲福

受胙興奏四拜

傳贊百官同

典儀唱徹饌唱送神內贊四拜

傳贊百官同


典儀唱捧祝帛詣燎位唱望燎俱如儀太常

卿捧皇初祖神牌詣燎所內贊奏禮畢樂止上由殿左門出至太廟門外導引官導上入御幄易常服還宮

祝文維嘉靖某年某月某日孝玄孫嗣皇帝某敢昭告于皇初祖帝神曰仰惟先祖肇我厥初發祥鍾靈啓我列聖追慕德源敬茲報祭願來格斯奉皇祖太祖高皇

帝配侑上享 樂章迎神元和之曲於惟皇祖肇創丕  
基鍾祥有自曰本先之奄有萬方作之君師追報宜隆  
以申孝思瞻望稽首介我休禧初獻壽和之曲木之本  
兮水有源人本祖兮物本天思報德兮禮莫先仰希鑒  
兮敢弗虔亞獻仁和之曲中觴載升于此瑤觥小孫奉  
前願歌其誠樂舞在列庶職在庭祖鑒孔昭錫佑攸享  
終獻德和之曲於維兮先祖延慶兮深高追報兮曷能  
三進兮香醪徹饌太和之曲芬兮豆籩潔兮黍稷祖垂

敢享徹乎敢遲禮云告備以訖陳辭永裕後人億世丕  
而送神永和之曲禘祀兮具張佳氣兮鬱昂皇靈錫納  
兮喜將一誠通兮萬載昌祈鑒佑兮天下康仰源仁浩  
德兮曷以量小孫頊首兮以望遙瞻冉冉兮聖靈皇皇



禮部志稿卷二十七

欽定四庫全書

史部  
禮部志稿卷二十八

詳校官編修<sub>臣</sub>黃壽齡

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官中書<sub>臣</sub>高 中

謄錄監生<sub>臣</sub>楊兆豐

欽定四庫全書

禮部志稿卷二十八

明 俞汝楫 編

祠祭司職掌

薦諡號

永樂元年上半年太祖高皇帝高皇后諡號儀前期三日齋  
戒遣官祭告天地宗廟社稷鴻臚寺設冊寶輿及香案  
于奉天殿是日早內侍先以冊寶置于殿太常寺先設

冊寶案于太廟門外丹陛上皇考皇妣神御前各設冊寶案鴻臚寺設冊寶輿于奉天門外御道上錦衣衛設鹵簿教坊司設中和韶樂大樂如常儀文武百官具祭服詣太廟門外立俟執事官并宣冊寶官先從太廟右門以序立于殿右上具袞冕御華蓋殿捧冊寶官四員各具祭服于奉天殿東西序立鴻臚寺奏請行禮導駕官導上出奉天殿冊寶案前捧冊寶官各捧寶冊前行導駕官導上行至奉天殿丹陛上捧冊寶官各以冊寶



置綵輿內鹵簿大樂前導上乘輿隨綵輿後行至午門  
外降輿陞輅至太廟門文武百官皆跪俟綵輿過輿上  
降輅隨綵輿至太廟中門外置綵輿于中道捧冊寶官  
各于綵輿內取冊寶前行上隨行至丹陛上捧冊寶置  
于案典儀唱樂舞生就位執事官各司其事內贊奏就  
位導引官導上就拜位典儀奏迎神奏樂樂止內贊奏  
上四拜百官同典儀奏進冊寶捧冊寶官以次捧冊寶前  
行導引官導上行由左門入至廟中捧冊寶官序立于

執事官及宣冊寶官之前導引官導上詣皇考妣神御  
前奏跪奏摺圭奏進冊捧冊官以冊跪進於上左上受  
冊以冊授執事官置於案左奏出圭贊宣冊宣冊官跪  
宣于上左訖奏摺圭奏進寶捧寶官以寶跪進於上左  
上受寶以寶授執事官置於案右奏出圭贊宣寶宣寶  
官跪宣于上右訖上復位奏四拜

文武百官  
皆四拜

興行祭禮

如常儀次日頒詔

嘉靖十七年上成祖文皇帝睿宗獻皇帝廟號儀

是歲上肇舉明堂大享禮奉皇考配帝乃告于郊廟社稷以九月十一日尊太宗廟號為成祖諡曰啓天弘道高明肇運聖武神功純仁至孝文皇帝尊皇考廟號為睿宗諡曰知天宇道洪德淵仁寬穆純聖恭儉敬文獻皇帝同日異時行禮先期四日太常寺奏致齋太常卿同光祿卿奏省牲如常儀次日司設監設大次于南郊外壝神路之東又次日上常服御奉天門錦衣衛備隨朝駕上至南郊即大次易服詣圜丘奏告文武官例

該陪祀者具祭服于南天門外陪拜其原遣北郊太廟成祖廟昭羣廟穆羣廟睿宗廟社稷壇祭告官以是日具祭服行禮 先期一日內侍官設冊寶案四于奉天殿冊東寶西設冊寶綵輿四于丹墀內設香亭于冊寶輿前教坊司設中和韶樂及大樂錦衣衛設鹵簿大駕并舉輿亭官校司設監及太常寺官設冊寶案于成祖廟睿宗廟各神座前設上拜位于二廟殿內正中設具服御幄于二廟戟門左是日早免朝鳴鐘文武百官具

朝服于金水橋南東西向序立文官五品以上武官四品以上六科都給事中皇親指揮以下千百戶等官各具祭服于廟街門內北向序立上冕服御華蓋殿鴻臚寺官奏請行禮導駕官導上隨行至丹陛下鴻臚寺堂上官捧冊寶各置於輿內上出奉天門降轎陞輅侍衛鼓吹如儀導駕官退冊寶輿至金水橋南文武百官皆跪候過輿隨至廟街門退冊寶輿入廟街門陪祀官皆跪候過輿上至太廟門降輅冊寶輿至二廟門外太常

寺堂上官四員捧冊寶由中門入至神御前東西向立  
冊東寶西陪祀官先赴成祖廟丹墀內東西序立太常  
寺導引官導上至成祖廟左門由殿左門入寢殿左門  
請主出正殿奉安安訖典儀唱樂舞生就位執事官各  
司其事內贊奏就位上就位迎主上香奏四拜俟上至  
冊寶案前內贊奏進冊寶捧冊官以冊跪進于上右上  
受冊獻訖仍授捧冊官置于案捧寶官以寶跪進于上  
左上受寶獻訖仍授捧寶官置于案內贊奏宣冊太常

寺官取冊跪于上右宣訖置於案內贊奏宣寶太常寺  
官取寶跪于上左宣訖置于案俯伏興復位奠帛行初  
獻禮以後俱如常儀禮畢上捧主太常寺官捧冊寶先  
行詣寢殿奉安訖導引官導上出太廟門東乘板橋詣  
睿宗廟上至廟門外降轎至戟門外太常寺導引官導  
上由左門入上冊寶如成廟儀畢太常卿跪奏請睿宗  
獻皇帝謁祖祔享遣官捧神主降座陞輿祔享于太廟  
儀具升  
祔下 祝文維嘉靖某年歲次某月某朔某日孝玄孫

嗣皇帝某敢昭告于成祖啟天弘道高明肇運聖武神  
功純仁至孝文皇帝仁孝慈懿誠明莊獻配天齊聖文  
皇后曰適玄孫躬率羣臣加上聖號既畢宣奏之禮用  
申燕賀之情惟我皇祖永歆孝念尚享 樂章迎神泰  
和之曲天眷不遲誕降我皇祖夙秉文德聿昭聖武撰  
除姦兇戢寧寰宇維典章未備繫孝孫是補大號鴻名  
卓絕千古寶冊攸躋精禋斯舉將降休兮聖靈騰爐烟  
兮燎炬尚來格來歆以篤天之祐舉冊寶熙和之曲於



穆文祖貽我不基昊天罔極永言孝思爰薦薇稱以協  
民彞勒責琬琰昭哉厥辭以詔于萬世神其聽之初獻  
壽和之曲制帛孔純滌牲腍肥黍稷醴醢蠲潔芬馐穆  
穆孝孫敬德淵微獻享初存仰威顏其靡違亞獻豫和  
之曲于戚武成於昭神功文致太平洵穆皇風樂舞既  
遷禮儀肅雍奠獻再將致其孚顒願申佑我孝孫萬福  
攸同終獻康和之曲三爵既登禮秩斯成駿奔就列虎  
拜盈庭匪臣工之虔孝孫之德孔明錫皇釐于普天奠

邦家兮永寧撤饌永和之曲古禮之經有儀有節將享  
既終登歌以徹祀事初成神人胥悅維孝孫之衷情猶  
纏繇其糾結送神安和之曲高皇謨烈我祖是成誕垂  
裕于後昆孝孫是徵稽古酌今恭薦茲尊稱奕奕閔宮  
歲事有恒子子孫孫百世其承之 睿廟樂章迎神泰  
和之曲於皇烈考濬發慶源欽明宣哲敦德允元克昌  
厥祚以釐我子孫薦薦徽稱惟大德是尊惟烈考鑒茲  
臨享如存舉冊寶熙和之曲月吉兮辰良薦鴻號兮受

命溥將日星赫奕兮玉冊輝煌啟中興兮七葉頌貞符  
兮萬方初獻壽和之曲載清酤兮犧尊瑟笙喤喤兮鐘  
鼓於論樂一奏兮爵一獻靈來享兮鑒茲熏熏亞獻豫  
和之曲瑤觴濯兮玄酒登懷明德兮薦椒馨絜昭考兮  
陟降在庭顧孝享兮靈心載寧終獻康和之曲三獻畢  
陳八音舉百辟相予祀事必愛敬極兮揚名始冀皇考  
兮綏孝子徹饌永和之曲笙鏞止豆遷徹禮莫愆孝靡  
竭神具醉兮以莫不懌賚我思成兮純嘏是錫降座安

和之曲神之來思天路脩神之去思路寢幽幽既安既  
妥兮靡淹留奠宗祊兮永錫洪庥

改題

成祖睿宗神主儀先期司設監設香案于成祖睿宗二  
廟寢殿神龕前設題主案于東置淨水刷子粉盞筆墨  
于上又設盥盆帨巾于東是日早免朝鳴鐘文武三品  
以上武官公侯駙馬伯皇親指揮各具吉服于廟街門  
北向序立候駕至陪拜上具翼善冠黃袍乘板輿至太

廟門右降輿導引官導入成祖廟左門由殿左門入寢  
殿上就位上香一拜叩頭畢至神牀前跪太常卿跪奏  
請成祖文皇帝神主恭用奉題上神主前捧主安于東  
案上上復就拜位北向立內侍官洗去舊字別塗以粉  
中書官書寫題主官盥手西向奉題訖上奉安于座跪  
太常寺卿跪奏請成祖文皇帝神靈上神主降殿奉享  
上捧神主導引官導出正殿奉安于神座上就拜位典  
儀唱迎神導引官導上至香案前三上香訖奏復位內

贊奏四拜

傳贊同

典儀唱奠帛行初獻禮上至神御前奠

獻訖詣讀祝位讀祝官讀訖奏俯伏興平身

傳贊同

奏復

位典儀唱行亞獻禮

儀同初獻惟不讀祝

唱行終獻禮

儀同亞獻

太常

寺卿詣神御前跪奏禮畢請還宮內贊奏四拜興平身

傳贊同

典儀唱捧祝帛各詣燎位內贊奏禮畢上捧主

詣寢殿奉安訖導引官導出太廟門東乘板轎至睿宗

廟門降轎導引官導上由廟左門入行禮如成廟儀禮

畢上還宮

祝文維嘉靖某年歲次某月朔某日孝玄

孫嗣皇帝其敢昭告于成祖啟天弘道高明肇運聖武  
神功純仁至孝文皇帝仁孝慈懿誠明莊獻配天齊聖  
文皇后曰爰用是辰恭題神主更書御號奉慰安神仰  
惟我祖萬禩永依玄孫無任瞻仰之至謹告 睿宗祝  
文同改孝玄孫為孝子我祖為我考

嘉靖十七年加上太祖高皇帝高皇后諡號儀 是歲  
上既尊皇天上帝奉號遂以其日加上皇祖諡號曰太  
祖開天行道肇紀立極大聖至神仁文義武俊德成功

高皇帝高皇后諡號曰孝慈貞化哲順仁徽成天育聖  
至德高皇后恭上册寶于太廟先期上親奏告于皇天  
上帝分命大臣告于北郊太社稷帝社稷翰林院撰祭  
告文太常寺辦牲醴如時祫儀命捧冊捧列聖主大臣  
八員司設監設冊寶案四于奉天殿冊東寶西設冊寶  
綵輿四于丹陛上設香亭于冊寶輿前教坊司設中和  
樂大樂錦衣衛設鹵簿大駕并舉輿亭官校司設監及  
太常寺官設冊寶案于太廟神座前設上拜位于殿內



正中至日上捧皇祖主中宮捧高皇后主助行亞獻文  
官四品以上武官三品以上命婦隨班列東西近兩廡  
稍北障以帷幕俱先期由東安門入太廟候親王功臣  
設位兩廡用酒果脯醢不奠獻是日文武百官先具朝  
服于金水橋南東西向立其陪祀文武等官各具祭服  
于廟街門北向立上冕服御華蓋殿鴻臚卿奏請行禮  
導駕官導上出至奉天殿內侍官捧各冊寶置于案鴻  
臚寺官舉案由殿中門出導駕官導上隨行至丹陛鴻

臚寺官捧冊寶各置于輿內錦衣衛官督舉輿上乘板  
轎出奉天門降轎陞輅侍衛鼓吹如儀導駕官退冊寶  
輿至金水橋南文武百官皆跪候過輿隨至廟街門退  
冊寶輿入廟街門內陪祀官皆跪候過輿上至太廟門  
降輅冊寶輿至丹陛下太常寺堂上官二員捧皇祖冊  
寶內侍官二員捧高皇后冊寶由中門入至神御前東  
西向立太常寺導引官導上由殿左門至寢殿上捧皇  
祖主中宮捧高皇后主出正殿陞座捧主官捧列聖主

去櫃東西向立典儀唱樂舞生就位執事官各司其事  
內贊奏就位典儀唱迎神樂作內贊對引官導上至香  
案前三上香訖復位四拜

傳贊百  
官同

典儀唱舉冊寶樂作

奏跪

傳贊  
同

樂暫止捧冊官以皇祖冊跪進于上右上受

冊獻訖仍授捧冊官捧冊官以高皇后冊跪進于上左

上受冊獻訖仍授捧冊官捧寶官以皇祖寶跪進于上

右上受寶獻訖仍授捧寶官捧寶官以高皇后寶跪進

于上左上受寶獻訖仍授捧寶官典儀唱宣冊宣冊官

二員以次跪宣訖置于案唱宣寶宣寶官以次跪宣言

樂復作內贊奏俯伏興平身

傳贊同

捧主官各恭捧列聖

主陞座典儀唱奠帛行初獻禮樂作內贊對引官導上

至神御前奏獻帛獻爵訖奏復位捧主官詣各廟上香

獻帛獻爵訖奏跪

傳贊同

贊讀祝讀祝官讀祝樂作奏俯

伏興平身

傳贊同

樂止典儀唱行亞獻禮樂作女官奏禮

中宮獻太廟爵皇妃八氏獻八廟爵

儀同初獻惟不讀祝

樂止典

儀唱行終獻禮樂作

儀同亞獻

樂止太常卿唱賜福胙上飲

福受昨訖俯伏興復位奏四拜

傳贊同

典儀唱徹饌太常

卿詣神位前奏禮畢請還宮內贊奏四拜

傳贊同

捧祝捧

帛各詣燎位樂作樂止俱如常禮畢上捧皇祖主中宮

捧高皇后主太常并內侍官捧冊寶詣寢殿奉安捧主

官捧列聖主各詣寢殿奉安訖上還宮大樂鼓吹振作

祝文維嘉靖某年歲次某月朔某日孝玄孫嗣皇帝

某敢昭告于皇祖太祖開天行道肇紀立極大聖至神

仁文義武俊德成功高皇帝孝慈貞化哲順仁徽成天

育聖至德高皇后曰適尊聖謚宣獻既成奉列聖帝后  
來賀玄孫躬率婦皇后方氏暨文武羣臣偕其命婦敬  
申祭慶之情惟冀聖神之鑒永享尊稱大膺洪號玄孫  
某無任激切率籲之至尚享 樂章迎神泰和之曲繫  
中夏之遺艱兮寇為羣皇天厭亂兮眷求大君降錫元  
命兮挺生聖神惟我太祖兮首出人倫一戎衣奄四海  
兮為帝王真 舉冊寶鴻和之曲皇祖受命兮闢乾坤  
翦滅羣雄兮定中原陳常時夏兮佑我元元克配彼天

兮功高業尊寅薦冊寶兮鑒我曾孫 初獻崇和之曲  
苾彼玉瓚兮酌黃流敬而將之兮冕凝旒有赫在上兮  
右享羊牛保我子孫兮永荷鴻庥 亞獻豫和之曲於  
皇祖兮帝中華廊清氛祲兮一統為家除兇雪耻兮功  
茂以加視湯武兮德音不瑕 終獻永和之曲爵三獻  
兮旨酒熏樂和鳴兮萬舞肅陳率百辟兮偕駿奔衍我  
祖兮神忻忻 徹饌彰和之曲孝享畢兮禮弗愆纂牲  
俎兮徹豆邁於昭對越兮神在天益篤皇祐兮萬斯年

還宮綏和之曲薦鴻號兮大禮成仰瞻威赫兮陟降  
在庭列聖左右兮懽忻合并鐘鼓響答兮祀事孔明粵  
有大德兮必得其名天地罔極兮欲報奚能庶幾鑒享  
兮寸草微誠永賴祉福兮用保我後人 改題高廟神  
主儀先期命題主大臣二員翰林院撰文太常寺備脯  
醢酒果如常儀司設監設題主案于太廟寢殿東西置  
淨水刷子粉盞筆硯設盥盆帨巾中設香案是日早免  
朝鳴鐘文官三品以上武官公侯駙馬伯皇親指揮各



具吉服于廟街門北向序立候駕至陪拜上具翼善冠  
黃袍乘板輿至太廟門西降輿太常寺導引官導上由  
殿左門入寢殿上就位上香一拜叩頭畢至神牀前跪  
太常卿跪奏謹請皇祖太祖高皇帝孝慈高皇后神主  
恭用奉題上詣皇祖神主前捧主安于東案上內侍官  
詣高皇后神主前捧主安于西案上上復就拜位北向  
立內侍官各洗去舊字別塗以粉中書官重寫題主官  
東西向立奉題訖上捧皇祖主安于座內侍官捧高皇

后主安于座上跪太常卿跪奏謹請皇祖太祖開天行道肇紀立極大聖至神仁文義武俊德成功高皇帝神靈上神主降殿奉享又跪奏謹請孝慈貞化哲順仁徽成天育聖至德高皇后神靈上神主降殿奉享上捧皇祖主內侍官捧高皇后主導引官導出正殿陞神座上就拜位唱迎神內贊對引官導上至香案前三上香訖奏復位奏四拜傳贊同典儀唱奠帛行初獻禮導引官導上至皇祖神御前高皇后神御前各奏獻帛獻爵訖奏

復位奏跪

傳贊同

贊讀祝讀訖奏俯伏興平身

傳贊同

典儀

唱行亞獻終獻禮如儀太常卿詣神御前跪奏禮畢請

還宮內贊奏四拜興平身

傳贊同

典儀唱捧祝捧帛各詣

燎位內贊奏禮畢上捧皇祖主內侍官捧高皇后主詣

寢殿奉安訖導引官導上出太廟門西陞輿還宮祝

文維嘉靖某年歲次月朔日孝玄孫嗣皇帝某敢昭告

于太祖開天行道肇紀立極大聖至神仁文義武俊德

成功高皇帝孝慈貞化哲順仁徽成天育聖至德高皇

后曰玄孫恭于此月之初尊皇祖聖謚禮成即擬拜書  
神主玄孫幼而弗慎致疾決旬茲卜吉期敬敬奉主更  
題既虔爰申祭告仰惟聖德攸歆尊事之誠永依萬世  
尚享

隆慶元年加謚孝懿皇后儀一先期題請遣官持節捧  
冊寶詣陵園行禮并改題神主一先一日鴻臚寺設  
節案內待官設冊寶輿香亭俱于皇極門東一是日  
早遣官以加謚孝懿皇后告奉先殿上具素翼善冠麻

布袍腰經親告世宗皇帝几筵各用祝文祭品如常儀  
至期上仍具前冠服御皇極門百官俱照常烏紗帽素  
服黑角帶入班行叩頭禮畢左右侍班序班引遣官入  
就拜位序班舉節案于皇極門正中遣官行五拜三叩  
頭禮畢序班舉節案內侍官舉冊寶輿香亭俱由左階  
降鴻臚寺奏禮畢上還宮錦衣衛官校接擡節冊寶輿  
香亭由午門左門出鼓樂前導設而不作遣官遣行至  
陵園行禮 一是日太常寺先于陵園陳設祭品如常

儀鴻臚寺設節冊寶案于享殿內節中冊左寶右設香案于節案前內侍官設主案于殿東置淨水刷子粉盞筆硯盥盆帨巾等物候節冊寶輿至陵園由中門入至享殿前捧節冊寶官捧從殿中門入各陳設于案內贊贊遣官就位贊上香贊宣冊宣冊官取冊立宣訖復置于案執事官隨舉主案于香案前稍東西向題主官進至主案前東立西向內侍官至神床跪奏謹請孝懿皇后神主恭用奉題內侍官盥手捧主案于案上洗磨舊

字別塗以粉中書官重寫題主官盥手奉題訖內侍官奉主安于神座跪奏謹請孝懿皇后神靈上神主內贊贊遣官奠獻讀祝行禮如常儀禮畢內侍官啟匱覆主奉安于神座訖冊寶收貯享殿次日遣官持節復命

奉先殿

崇先殿附

洪武三年冬以太廟時享未足以展孝思始于乾清宮別建奉先殿朝夕焚香朔望瞻拜時節獻新生忌致祭用常服行家人禮永樂定都建宮殿如南京嘉靖中每

遇聖節及中元冬至皆有祭告先期太常寺題知光祿寺辦祭品至期內殿行禮觀德殿奉安獻皇帝神主五年世廟成乃遷觀德殿于奉先殿東改題曰宗先殿薦享告祭俱如奉先殿之儀十五年罷中元祭十七年奉祔獻皇帝于奉先殿遂罷宗先殿祭

弘治二年奉安憲宗純皇帝神位于奉先殿儀是日上奉神主奉安于太廟訖上仍祭服陞輅詣武英殿前降輅陞几筵殿奉迎神位內侍舉神位亭前行由中門



出上陞輅後隨由思善門入奉先殿門外上降輅司禮  
監官導上詣神位亭前奏跪上跪司禮監官跪于上左  
奏請神位奉安奉先殿奏訖奏俯伏興上俯伏興導引  
官前導內侍于亭內神位前行上後從由中門入至奉  
先殿奉安訖上叩頭興就位行祭告禮用酒果用樂用  
祝文

忌辰

仁祖淳皇帝四月十六日淳皇后四月二十二日太祖

高皇帝五月初十日孝慈高皇后八月初十日成祖文  
皇帝七月十八日仁孝文皇后七月初四日仁宗昭皇  
帝五月十二日誠孝昭皇后十月十八日宣宗章皇帝  
正月初三日孝恭章皇后九月初四日英宗睿皇帝正  
月十七日孝莊睿皇后六月二十六日憲宗純皇帝八  
月二十六日孝貞純皇后二月初十日孝宗敬皇帝五  
月初七日孝康敬皇后八月初八日睿宗獻皇帝六月  
十七日慈孝獻皇后十二月初四日武宗毅皇帝三月

十四日孝靜毅皇后正月二十五日世宗肅皇帝十二月十四日孝潔肅皇后十月初二日穆宗莊皇帝五月二十六日孝懿莊皇后四月十三日神宗顯皇帝某月某日顯皇后某月某日光宗貞皇帝某月某日貞皇后某月某日

薦新品物

正月韭菜四斤生菜四斤薺菜四斤鷄子二百六十箇鴨子二百四十箇二月芹菜三斤薹菜五斤冰蓼蒿五

斤子鷺二十二隻三月茶筍一十五斤鯉魚二十五斤  
四月櫻桃十斤杏子二十斤青梅二十斤黃瓜五十箇  
雉鷄十五隻豬二口五月桃子十五斤李子十五斤夏  
至李子二十斤紅豆一斗沙糖一斤八兩來禽十五斤  
茄子一百五十箇大麥仁三斗小麥麵三十斤嫩鷄三  
十五隻六月蓮蓬二百五十箇甜瓜三十箇西瓜三十  
箇冬瓜三十箇七月棗子二十斤葡萄二十斤梨二十  
斤鮮菱十五斤芡實十斤雪梨二十斤八月藕四十枝

芋苗二十斤茭白二十斤嫩薑二十五斤粳米三斗粟  
米三斗稷米三斗鰕魚十五斤九月橙子二十斤栗子  
二十斤小紅豆三斗沙糖一斤八兩鰻魚十五斤十月  
柑子二十五斤橘子二十五斤山藥二十斤兔十五隻  
蜜一斤八兩十一月甘蔗一百三十根鹿一隻鴈十五  
隻蕎麥麵三十斤紅豆一斗沙糖一斤八兩十二月菠  
菜十斤芹菜五斤鯽魚十五斤白魚十五斤 凡奉先  
殿供薦品物與南京奉先殿同其子鶩鮮筍梅子雪梨

茭白橙子柑子橘子甘蔗俱南京太常寺預進太常寺  
收受奏送光祿寺供薦歲以為常

奉慈殿

弘孝殿神霄殿附今罷

成化二十三年孝宗即位追母妃紀氏尊諡曰孝穆慈  
慧恭恪莊僖宗天承聖皇太后祔葬茂陵別建奉慈殿  
于大內奉安神主一歲五享四序薦新忌祭俱如奉先  
殿之儀

弘治十七年上聖慈仁壽太皇太后周氏尊諡曰孝肅

貞順康懿光烈輔天成聖太皇太后十八年奉安于奉  
慈殿居中孝穆皇太后神主遷居于左

嘉靖二年追上壽安皇太后邵氏尊諡曰孝惠康肅溫  
仁懿順協天祐聖皇太后本年奉安于奉慈殿居右七  
年復追稱孝惠皇太后曰太皇太后八年祔悼靈皇后  
陳氏神主于孝惠太皇太后之側歲時薦享忌祭並同  
十五年上諭禮官廟中一帝一后祔葬乃有二三后今  
奉慈三后主既不得祔廟其遷祔陵殿享祭又以皇太

后太皇太后本子孫尊稱稱睿皇帝純皇后又嫌于嫡  
改主題皇后勿書帝諡乃改諡孝肅太皇太后為孝肅  
貞順康懿光烈輔天成聖皇后奉遷神主于裕陵孝穆  
皇太后為孝穆慈慧恭恪莊僖崇天承聖皇后孝惠太  
皇太后為孝惠康肅溫仁懿順協天祐聖皇后俱奉遷  
茂陵又改諡悼靈皇后為孝潔皇后奉遷神主于奉先  
殿之西室罷奉慈殿祭二十九年升祔孝烈皇后于太  
廟右第四室



隆慶元年孝潔皇后祔乃遷孝烈神主于奉先殿之西  
夾室改題曰孝烈端順敏惠恭誠祇天衛聖皇后奏安  
景雲殿更名曰弘孝又于神霄殿奉孝恪皇太后神主  
而祔孝懿皇后主于其側每歲五享四序薦新忌祭日  
俱如奉先殿儀六年孝懿莊皇后升祔

萬曆三年乃奉孝烈皇后及孝恪皇太后祔享奉先殿  
其神主遷于永陵改題孝恪神主曰孝恪淵純慈懿恭  
順贊天開聖皇后二后神位即以遷詣陵殿之日安于

奉先殿而弘孝神霄之祭俱罷

隆慶元年奉安孝恪皇太后神主及祔孝懿皇后神主于神霄殿儀先是遣官一員以祔享告孝懿皇后陵園祭畢遣官就迎護神主回京至德勝門幄次候奉迎孝恪皇太后神主至別入幄次百官先于孝恪皇太后幄前行禮畢隨于孝懿皇后幄前行四拜禮神主以次進行入大明門至午門外上奉迎孝恪皇太后神主于午門內步行前導孝懿皇后神主輿以次後隨至奉先殿

門外上捧孝恪皇太后神主出輿內侍官即跪奏請孝  
懿皇后神主詣奉先殿捧神主隨上入至丹陛上孝恪  
皇太后神主至于褥位內侍官隨置孝懿皇后神主于  
褥位在孝恪皇太后之西南內侍官退候上行禮畢內  
侍官仍捧孝懿皇后神主隨出詣世宗肅皇帝几筵殿  
奉告行禮並同隨孝恪皇太后神主同至神霄殿門外  
上捧孝恪皇太后神主由殿中門入奉安于神座內侍  
官捧孝懿皇后神主亦奉安于座併行安神禮

景神殿

王芝宮附

嘉靖五年建世廟于太廟之東北以祀皇考至十五年改建廟于太廟都宮之東南題曰獻皇帝廟遂改世廟正殿曰景神殿寢殿曰永孝殿奉藏祖宗帝名御容于其中十七年改題獻皇帝廟曰睿宗廟等以睿宗升祔罷特廟之祭十八年令遇高廟帝后忌辰祭于景神殿列聖帝后忌辰祭于永孝殿二十四年令遇忌辰照舊于奉先殿致祭四十四年神宮監奏睿宗廟柱產芝乃

更名玉芝宮命每日供膳及四時歲暮大小節辰祭告  
牲帛諸品皆如太廟惟不用祝文樂歌及遣官陪祀止  
令駙馬都尉及皇親一人上香行叩頭禮隆慶元年議  
罷惟日供膳仍舊

嘉靖十八年顯陵襄事行慰神禮于永孝殿儀前期太  
常寺恭辦牲醴香燭制帛奏請簡命大臣陪拜各具吉  
服先期一日司禮監同太常寺官恭設皇考皇妣神座  
于永孝殿是日上具翼善冠黃袍率后妃至景神殿門

外降輿導引官導上由左門入至永孝殿典儀唱執事

官各司其事唱迎神上至香案前上香復位四拜

傳贊陪祀

同典儀唱奠帛行初獻禮上詣皇考皇妣位前各獻帛

獻爵訖復位讀祝俯伏興平身

傳贊同

行亞獻禮中宮獻

爵內執事官奏禮行終獻禮上獻爵內贊奏四拜

傳贊同

典儀唱捧祝捧帛詣燎位禮畢太常寺官恭遷皇考皇

妣御座于景神殿奉安駕還宮

廟祀總例

凡太廟祭器

洪武元年令銀造者以金塗之酒壺盃盞每事皆八盤  
椀二百四十及揮椀枕簟簾笥帷幔浴室皆具已又令  
塗金者俱易以金

凡時物

洪武二年令太常先薦宗廟然後進御二年定每月朔  
望薦新品物皆太常卿供事其在月薦之外者太常卿  
奉旨與內使監官各服常服捧獻不行禮

凡祭幣

洪武三年議準太廟每室用幣二

凡太廟和羹

嘉靖三年奏準依福胙脯醢豚胎例另用一牛不許牲  
上取辨其牲醴分為六塊一首一背四肢不許零碎

凡配享

洪武二年孟春享太廟以功臣七人配設青布幃六間  
于太廟庭中內列功臣位遣官分獻讀祝三年定親王



從享皆設位于東廡西向功臣配享皆設位于西廡東向四年罷廟庭幃設之次改設黃布幃殿於廟內併具兩廡中居祖考神位廡列親王及功臣每奠獻祖考則遣大臣各分獻不讀祝是秋又命功臣仍于廡間配享不設布殿九年新太廟成奉安四代神主以親王并王妃二十一位侑于殿內東壁功臣十二位配于西壁不分獻自是四時之祭皆行合享之禮其壽春等王舊有皇高伯祖等稱至萬曆七年罷止稱本爵

凡時享值國喪

洪武二十五年議定樂備而不作

凡祝文

洪武二年定止稱孝子皇帝不稱臣遣太子行禮稱命  
長子某不稱皇太子嘉靖十七年令大裕祝文九廟帝  
后諡號俱全書時裕止書某祖某宗某皇帝備行宣讀  
凡忌辰

永樂元年遇高皇帝忌上率諸王祭奉先殿仍率百官

祭孝陵萬厯四年題準凡郊廟奏祭祀日遇有忌辰則移前一日如致齋日內遇忌辰上具常服百官具青綠錦繡其正祭日遇忌者如祭在日間除臨時照常具祭服行禮本日祭前祭後與致齋遇忌同如夜分祭畢是日上仍淺淡服色百官青衣角帶辦事

陵寢

后妃太子諸王公主墳附

皇祖陵熙祖陵在今鳳陽府泗州蠓城之北洪武初號曰祖陵

今號其山曰基運

即祖陵望祭德祖懿祖二陵設

泗州祠祭署置奉祀一員陵戶二百九十三戶供灑掃每歲冬至正旦以三太牢清明中元孟冬及每月朔望以三少牢本署官行禮仁祖陵在中都鳳陽府

太平鄉洪武初號曰茂陵尋改皇陵

今號其山曰翔聖

設皇

陵衛并祠祭署奉祀一員祀丞三員置陵戶三千三百四十二戶供直宿灑掃內選禮生二十四名供祭祀執事每歲冬至正旦以太牢清明中元孟冬以少牢俱署官行禮朔望以少牢中都留守司官行禮弘

治元年勅內官一員監護凡官員以公事經過者俱

謁陵聖祖陵太祖高皇帝陵曰孝陵在南京鐘山之

陽

今號神烈山

高皇后馬氏合葬設神宮監孝陵衛及祠

祭署每歲聖旦正旦孟冬忌辰酒果行香清明中元

冬至太牢致祭特遣勲舊大臣一員行禮南京各衙

門文武官俱陪祭國有大事遣大臣祭告親王之國

過南京者官員以公事入城者俱謁陵出城者詣辭

列聖陵成祖文皇帝陵曰長陵在京畿之昌平縣

今升

為初永樂七年營山陵于昌平之黃土山封其山曰  
天壽山遂葬焉是為長陵文皇后徐氏合葬其後諸  
陵皆在天壽山仁宗昭皇帝陵曰獻陵昭皇后張氏  
合葬宣宗章皇帝陵曰景陵章皇后孫氏合葬英宗  
睿皇帝陵曰裕陵睿皇后錢氏合葬孝肅皇后周氏  
祔葬憲宗純皇帝陵曰茂陵純皇后王氏合葬孝穆  
皇后紀氏孝惠皇后邵氏俱祔葬孝宗敬皇帝陵曰  
泰陵敬皇后張氏合葬武宗毅皇帝陵曰康陵毅皇

后夏氏合葬世宗肅皇帝陵曰永陵肅皇后陳氏合葬孝烈皇后方氏孝恪皇后杜氏俱祔葬初世宗作壽宮于長陵東南之陽翠嶺嘉靖二十七年葬孝烈皇后是為永陵隆慶元年奉安世宗皇帝梓宮乃是天壽山西南襖兒峪遷肅皇后梓宮合葬孝恪皇后亦自金山遷祔焉穆宗莊皇帝陵曰昭陵莊皇后李氏合葬神宗顯皇帝陵曰定陵顯皇后王氏合葬光宗貞皇帝陵曰慶陵貞皇后王氏合葬諸陵各設神

官監并衛及祠祭署凡清明中元冬至太牢致祭遣  
官行禮文武衙門堂上官各一員屬官各一員分詣  
陪祭忌辰及聖旦正旦孟冬亦遣官行禮止用香燭  
酒果無帛各衙門官不陪祭諸王之國詣諸陵謁辭  
嘉靖十五年三月上躬行春祭禮七月改命春以清  
明秋以霜降遣官行禮各衙門官陪祭其中元冬至  
等節遣官行禮俱不陪祭九月上躬行秋祭禮自奉  
慈殿遷孝廟皇后神主于裕陵孝穆皇后孝惠皇后



神主于茂陵躬行奉慰禮十七年二月上躬行春祭  
禮改陵殿曰祫恩殿門曰祫恩門四月建成祖文皇  
帝聖蹟亭于平臺山率從官行祭禮

### 別陵

睿宗獻皇帝陵曰顯陵在湖廣承天府之松林山

今號

純德山

獻皇后蔣氏合葬建享殿設神宮監顯陵衛祠

祭署置奉祀一員以戚屬為之給署印設禮生二十  
四名供祭祀執事陵戶六十戶供灑掃校尉二十名

供巡視嘉靖十八年陞戚屬為都督僉事給欽差純  
德山掌祀關防職專守護始于太常寺選補奉祀及  
增祀丞一員如七陵之制二十七年照長陵制設左  
司樂一員右司樂三員俳長四名色長十四名教師  
十六名供祀鑄給顯陵供祀教坊司印信每歲清明  
降降二聖忌辰遣鎮守湖廣勲臣行禮勲臣有故以  
守護奉祀官代行奉祀官有故則分守官代聖旦正  
旦中元孟冬冬至遣守護奉祀官行禮 恭讓章皇

后陵寢在金山祭遣內官行禮嘉靖二十五年令于  
未央宮莊田六百五頃九十七畝內量撥一半供奉

香火

景皇帝陵寢在金山景皇后合葬祭遣儀賓

行禮

今遣駙馬  
及皇親

憲廟廢后吳氏葬金山祭以素饌遣

內官行禮世廟繼后張氏葬金山祭以牲醴遣內官

行禮

妃嬪葬孝陵四十妃嬪惟二妃葬陵之東西

餘俱從葬長陵十六妃俱從葬獻陵七妃三葬金山

餘俱從葬景陵八妃一葬金山餘俱從葬裕陵以後

妃無從葬者裕陵十八妃一葬綿山餘俱金山茂陵  
十四妃一葬陵之西南餘俱金山康陵二妃葬金山  
顯陵一妃葬金山永陵三十妃二十六嬪惟五妃葬  
天壽山之襖兒峪餘俱金山昭陵諸妃葬金山先  
是妃皆自為墳憲廟十三妃始同為一墓嘉靖三十  
年以古世婦御妻皆九宜九妃為一墓同一享殿內  
作七室兩廂等各備于是金山預造五墓墓各九數  
以次葬焉先是從葬諸妃歲時俱享于殿內其別

葬者俱遣內官祭以牲醴嘉靖十七年始命併入各陵從祭祫恩殿之兩傍以紅紙牌書曰大明某宗皇帝第幾妃之位祭畢焚之隆慶六年改造木位刻列名號置各陵永遠從祀其世廟諸妃並遷祔永陵各置木位配享 阿保諸夫人俱葬金山惟清明霜降遣內官以牲醴祭之其餘一用素饌 太子諸王王妃公主葬 懿文太子陵在孝陵之左祭如孝陵四孟歲暮忌辰加牲焉孝陵祠祭署兼主之 懷獻世

子悼恭太子俱葬金山哀冲太子莊敬太子初俱葬  
金山後遷襖兒峪祔其母妃墓傍憲懷太子葬金山  
俱祭以牲醴遣內官行禮惟悼恭用素饌哀冲莊敬  
遣皇親行禮 蘄獻王越靖王貞惠妃吳氏滕懷王  
懷恭王貞烈妃楊氏許悼王秀懷王妃王氏忻穆王  
岐惠王妃王氏雍靖王妃吳氏壽定王妃徐氏繼妃  
吳氏汝安王妃李氏次妃晉氏涇簡王妃曹氏申懿  
王妃項氏蔚悼王景恭王穎傷王戚懷王薊哀王均

思王靖悼王惟蘄滕二王葬綿山雍申二王葬蘭山  
餘俱金山祭以牲醴遣內官行禮 皇第八子永清  
公主長泰公主仙遊公主太康公主長安公主思柔  
公主蓬萊公主太和公主棲霞公主俱葬金山祭以  
素饘遣內官行禮惟永清用牲醴 郢靖王梁莊王  
岳懷王常寧長公主善化長公主俱葬承天府遇祭  
王則奉祀官行禮祭公主則內官行禮

山陵躬祭儀一發京先期太常寺備告廟及祀陵祭品

如常儀翰林院撰祭告文錦衣衛設丹陛儀衛扈行兵部奏請簡命文武大臣居守京師請勅行事及奏請直守皇城四門京城九門分調提督武臣把守各山口關隘選點扈駕軍馬奏差科道官點閘戶部關給扈從官軍行糧工部差官修理橋梁道路光祿預備御膳酒飯供具教坊司備大樂五府及九卿衙門正官司屬官各一員太常寺鴻臚寺堂屬官光祿寺太僕寺卿翰林院學士并日講官國子監祭酒順天府府尹六科官六員



十三道官十三員俱從凡在途供事以便衣朝參以吉服前期一日上率后妃告于廟至早免朝駕發由長安左門后妃輦轎由東安門出扈從官前行居守官同文武百官俱吉服趨德勝門外候送駕過退駕至行宮

今在

鞏華城

進膳畢陞座從官朝見行叩頭禮如常儀次日早

從官朝參奏事畢鴻臚寺官引昌平州官吏師生及公差有事官員見行五拜三叩頭禮朝罷從官先行至天壽山行宮候駕駕發后妃後從至天壽山紅門上降輦

由左門入駕至行宮

今名感思殿

進膳畢上出陞座從官行

叩頭禮畢退次日早從官朝參奏事如常儀 一致祭

是日免朝質明上具青袍恭詣長陵致祭如常儀

隆慶二年

仍詣永陵行禮萬曆八年

遣官六員青服各詣陵行禮

從官俱青布服恭詣長陵陪祀祭畢先趨赴行宮候駕

每日早朝參奏事如常儀 一回鑾是日早免朝從官

先行至沙河行宮候駕駕至從官行叩頭禮如常儀次

日早從官朝參奏事畢鴻臚寺官引昌平州官吏師生

辭行禮如常儀朝罷從官先還駕由德勝門入文武百官及軍民耆老人等俱于門外候迎居守文武大臣伏

謁駕前致詞行叩頭禮教坊司大樂鼓吹振作駕入告

廟謁皇太后禮畢

隆慶二年發京前一日及還京日並謁告奉先殿世宗几筵弘孝神霄二

殿還宮越二日上御奉天門文武官各具吉服致詞行

禮

山陵遣祭儀陳設用牲醴贊引引遣官由殿右門入典儀唱執事官各司其事贊引引遣官就拜位執事捧香

合至香案贊引贊詣前導遣官至香案前贊跪贊上香

遣官三上香訖贊復位贊四拜

通贊衆官同

典儀唱奠帛行

初獻禮執事捧帛爵各跪獻于御案前訖贊跪

通贊衆官皆跪

贊讀祝讀訖贊俯伏興平身

通贊衆官同

典儀唱行亞獻禮

儀同初獻惟不奠帛讀祝

唱行終獻禮

儀同亞獻

贊四拜

通贊衆官同

典儀唱

讀祝官捧祝進帛官捧帛詣座位贊禮畢各陵祝文清

明霜降日時維

仲春雨露既濡季秋霜露既降

追念深恩不勝

悵愴謹

用祭告伏惟尚享中元冬至曰氣序流邁時維

中元至追

念深恩伏增哀感謹用祭告伏惟尚享凡祝文皆備書

謚號其文皆同但隨陵異稱顯陵祝文清明霜降日維

某年某月某日孝子皇帝某謹遣某官敢昭告于皇考

睿宗知天守道洪德淵仁寬穆純聖恭儉敬文獻皇帝

皇妣慈孝貞順仁敬誠一安天誕聖獻皇后尊靈曰時

維

仲春雨露既濡  
季秋霜露既降

瞻望園陵不勝

悽愴  
懷愴

謹用祭告伏惟

尚享中元冬至日氣序流邁時維

中元  
冬至

追念深恩益增

哀感謹以牲醴庶品用申祭告尚享忌辰曰惟我皇考

皇妣諱日之辰瞻望德恩

不勝伏增

哀感謹用祭奠伏惟尚

享今稱孝曾孫皇曾祖考妣恭讓章皇后祝文孝玄孫  
嗣皇帝某謹遣某昭告于恭讓誠順康穆靜慈章皇后  
尊靈曰日月不居仙遊益遠茲遇某節不勝追慕謹用  
祭告伏惟尚享景皇帝后祝文姪玄孫嗣皇帝某謹遣  
某官某昭告于恭仁康定景皇帝貞惠安和景皇后曰  
節序流邁時維某節追念親親良增傷感茲以牲醴用  
修時祭伏惟尚享

嘉靖十五年奉皇太后謁陵儀先期太常寺具酒果脯  
醢翰林院撰告辭上至長陵行謁告禮畢奉皇太后率  
皇妃入女官奏就位行四拜禮奏上香女官捧香皇太  
后三上香訖奏復位跪皇太后跪皇妃皆跪上跪于皇  
太后之左讀辭官跪于上後讀訖奏興四拜禮畢次詣  
獻陵上先謁告仍奉皇太后謁如前儀次謁景陵明日  
徧謁裕陵等四陵亦如之上還往西山拜恭讓章皇后  
及景皇帝后各陵寢行三獻禮又遣官前詣孝陵顯陵

行祭告禮

嘉靖十八年駕幸承天府謁陵儀前期太常寺陳設牲  
犢酒醴香燭制帛上具常服詣陵由陵左門入殿左門  
內贊奏就位奏上香奏四拜奏奠帛行初獻禮贊讀祝  
奏跪讀祝官讀畢奏俯伏興平身奏行亞獻禮終獻禮  
如儀奏四拜焚祝帛禮畢從駕官及撫按等官俱吉服  
陪拜 祝文維某年某月某日孝子皇帝某敢昭告于  
皇孝睿宗知天守道洪德淵仁寬穆純聖恭儉敬文獻



皇帝尊靈曰仰惟皇孝玄德帝忻流慶小子丕緒天位  
十有八年南瞻嚴寢罔盡展祀之孝適以改園之事重  
子躬事來此敬申祭告伏惟聖靈歆鑒俯納孝思謹告  
萬曆三年孝烈皇后孝恪皇后神主遷祔永陵儀先期  
命大臣一員先詣永陵行祭告禮一員護送神主至殿  
內侍官先于永陵殿內會同神官監官陳設各合用神  
座几案冊寶衣冠等案是日弘孝神霄二殿行奉遷禮  
畢神主輿由中門出至午門外錦衣衛儀衛前導由端

門承天門長安左門俱中門出由德勝門詣陵百官青  
衣角帶先詣德勝關外候神主輿至入班行五拜三叩  
頭禮輿過方退神主輿至紅門外內侍官各詣二后神  
主輿前跪奏捧神主出輿由左門入復陞輿至永陵由  
中門入至享殿門外內侍官各捧入孝烈皇后神主奉  
安世宗肅皇帝神寢之左室孝恪皇后神主安于右室  
冊寶衣冠俱各奉安于室訖遣官行安神禮禮畢回京  
復命

凡陵寢禁例

洪武二十六年令車馬過陵者及守陵官民入陵者百步外下馬違者以大不敬論 正統二年諭天壽山祖宗陵寢所在敢有剪伐樹木者治以重罪家屬發邊遠充軍仍令錦衣衛官校巡視工部同欽天監官環山立界外聽民樵採 成化十五年令鳳陽皇陵皇城并泗州祖陵所在應禁山場地土巡山官軍務要用心巡視不許諸色人等伐木取土石開窑燒造燒山及于皇

城內外耕種牧放作踐有犯者正犯處死家口俱發邊  
遠充軍巡山官軍有科斂銀兩饋送不行用心巡視及  
守備留守等官貪圖賄賂不嚴加約束以致下人恣肆  
作弊不能禁治者一體治罪 弘治十三年議準西山  
一帶密邇京師地方內外官豪勢要之家私自開窯賣  
煤鑿山賣石立厰燒灰者問罪枷號一箇月發邊衛充  
軍干礙內外官員叅奏提問 嘉靖十二年令錦衣衛  
選差百戶一員督令原差校尉于純德山嚴加巡視有

偷砍樹木作踐等項應提問應叅奏者照例舉行其差  
委官校與軍衛有司俱無統屬不許濫理詞訟囑托公  
事及賣放犯人生事擾害故違者聽撫按官究實照例  
施行二十七年令于天壽山前後龍脉相關處所大書  
禁地界石有違禁偷砍樹木者照例問擬斬絞等罪若  
止是潛行拾柴拔草比照家屬事例問發遼東地方充  
軍巡山官軍妄拿平人擾告居民者事發一體治罪

凡遇陵祭

正統元年諭是日與百官俱淺淡服色 成化九年奏  
准孝陵祭祀凡南京文武大小官員有不赴者令御史  
糾察

凡分官陪祭

嘉靖中題准除掌印正官及宿衛守衛差占外俱要以  
次長官許佐貳官如無佐貳官者方許首領官前去

國初追封諸王墳

壽春王妃劉氏霍丘王妃翟氏下蔡王安豐安妃趙氏

蒙城王妃田氏寶應王六安王來安王都梁王英山王  
以上墳在鳳陽府西北二十五里地名白塔設祠祭署  
陵戶 南昌王妃王氏盱眙王妃唐氏臨淮王妃劉氏  
山陽王招信王以上墳附葬鳳陽皇陵有同歲時祭祀  
皆與享其分封諸王葬于本封之國者其子孫自主祭  
祀此不具列

外戚王者墳

揚王墳在鳳陽府盱眙縣津里鎮洪武初設盱眙祠祭

署置陵戶二百一十戶 徐王墳在鳳陽府宿州新豐

里洪武初設宿州祠祭署置陵戶九十三戶 滁陽王

墳在直隸滁州洪武初立廟墳所

廟首宿氏

置陵戶十九戶

以上皆歲時祭祀